

Yudhà andí bhàruwà Yàrí bhàruwà ò ì nòtù ádròdrǒ dhu tí dhu

Yàrí ídǒ bhàruwà nandí ní «Yudhà, Yàkòbhò t'ádònà» tí kátina ale (1). Ndi Yudhà mà adònà Yàkòbhò mànà óyǒrò kóró ní'ì Yěsù t'ádóná-nzo (Màt 13.55). Kǎndí ndi pbìndà bhàruwà mbèmbè azà kumì atò údà Yěsù Krístò ka kúgù dhu-dzidǒ rórò.

Ndi andítá rǐ dhu ìtè Yudhà rambénà dhu òvò dǒ atdí kànísà tò, ndirò ngǎtsi ní ibí kànísà tò. Pbétù, ka kùni nzá atdí kànísà mà abádhí nzínzi ò náarí'ì ònà kigò. Pbìndà bhàruwà ò, kítsu átò Ungbòta-Ayí ò bhùkù mà Pbàyàhúdí tó ngǔkpà andítá mànà ò arí'ì irèta. Ní ka kìrè dhu ní kǎndí dhu fǐyò ábhǒ ale rǐ'ì pbàkrístò tí rǐ'ì Pbàyàhúdí.

Yudhà í'ì nà irèta ní pbàkrístò tò ndì ndí dhu àndí Yěsù arí indrǔ ìgǔ dhu dǒ nǐ irèta (3). Pbétù, kǎla dhu ní dhu ràkǎ nditdyu abádhí-nyìkpó tsàkàtsàkà nyú abádhí nzínzi ò ì nítsu pbàkrístò tí arí 'àti ale rǒ rò (4). Í ale owúnà 'àti rǒ pbàkrístò tí, pbétù ìnzí 'àdù Kàgàwà nyú ná'ù. Ndirò abádhí ní'ì mǔnyònitále.

Bhàruwà-nyìtì ka kóhù tí dhu

- Bhàruwà-dòkpa (1-2).
- Yudhà rǐ pbàkrístò àvǐ rùgyè ì, 'òdò yà atdí-gùna tí Kàgàwà íbhò pbìndà dhu tí arí'ì ale tò a'uta mběyi (3-4).

- Yudhà rĭ Ádrùngbǎle Kàgàwà itdìya atdídǒ pbàkrístò tí arí 'àti ale, pbétù ìmbǎ 'àdù ì'ì pbàkrístò tí ale-ànyǎ tí dhu tó atdídhená ófò nítè dhu (5-19).
- Yudhà rĭ pbàkrístò ònzi ròwù angyi tí fĭyó a'uta ǒ, ndirò rònghò ídzìnga ònzì yà afiya arúguru Yèsù ì á'ù dhu dǒ ale tò dhu (20-23).
- Yudhà rĭ Kàgàwà ìfǔ pbìndà ádrùngbǎnga tó obi-okú dò rò dhu. Ndi obi nĭ, Kàgàwà arí pbìndà ale-ngbò òdò ndínĭ oko tí ròná ì ápbǎ ì rórò tí (24-25).

Yudhà rĭ pbàkrístò nóvi dhu

¹ Ima Yudhà, Yèsù Krístò bhà ino-akpà, ndirò Yàkòbhò t'ádònà, ma màndĭ dhu fǔkù yà Àba Kàgàwà únzi nyĭ, kǒzè nyĭ, ndàdù àmbe nyǒdò dǒ Yèsù Krístò tò rò. ² Dhu àkǎ Kàgàwà bhà izu mà, Kà bhà màrùngà mà, Kà bhà àzè mànà rĭ'ì abho nyú fǔkù.

Tìtò tó màlímó (2PÉ 2.1-17)

³ Odhídù, yà atdídǒ ma mǒzè nyĭ rò, ma múbhì dhu-atdyú òhò rǒ atdídǒ, ndínĭ ma mandí tí dhu fǔkù yà atdíkpa àlè kí'ì nà nyĭ mànà ògù-okú dò rò. Ní, ma mála dhu kà rǎkǎ wà mandĭ, ndínĭ nyĭ nyabá tí obi, nyǎmbe nyũgyè dǒ nĭ, nyǒdò yà atdí-gùna tí Kàgàwà ìbhò pbìndà dhu tí arí'ì ale tò a'uta mběyi. ⁴ Obhó tí, atdídhená nzére ale nítsù wà nzínziku ò inzà nyĭ nyèni rórò. I ale ní iwà Kàgàwà náatdì ànyǎya angyangyi nyú ale. Abádhí úgèrè Kàgàwà bhà izu tó ote rĭ'ì yà ì ózè

'ònzì nzéere dhu ònzi ì í òná otu tí. Ndirò, abádhí ódhò wà Yèsù Krístò, yà atdí tí arí'í àlě tó Màlimò, ndirò àlě tó Ádrùngbǎle. ⁵ Ìmbǎ dhu ì'í iwà nyí nyúni yà ma móvona fùkù dhu angyangyi dhu màtí, ní ma mòzè misè fùkù dhu ní, Ádrùngbǎle Kàgàwà nígú p̀b̀indà ale Mísri tó p̀b̀iri ǒ rò dhu. Tdítdǒ, kǎdù abádhí nzínzi ǒ ì nùvǒ, ìnzǐ 'à'ù ndì ale-tse nábhù ròtdì ndì. ⁶ Ndirò, nyí nyàkǎ nyìrè atdídhená màlàyíká náanzì dhu: abádhí náadò nzá fiyó ádrùngbǎnga, p̀b̀étù abádhí núubhà yà ì aróko òná ngari nyú. Ní Kàgàwà arí abádhí òdo ínò ǒ ùsǒ ndì ndúsǒ dhòdhódhóngà tó imbi ò rórò, róngò àmbe ìndrǔ-ànyǎ ìtdì ndì ndaraya òná ádrùngbǎ idho nóddò dǒ. ⁷ Ndirò, dhu àkǎ nyìrè átò ní Sòdomò mà Gòmora mànà tó kigò, tiyá arí'í kyèròkyèrò kigò mànà. Í kigò ǒ bhà náanzì nzérenga ndi dhu bhěyi tí. Abádhí níipfo ì m̀nyòni tò, 'àdù àmbe ìnzǐ ìndrǔ nyú àmbènà ònzina nzérenga-tidò ònè dǒ 'ònzì. Ní, ndi dhu-okú dò rò, Kàgàwà atdì wà abádhí-ànyǎ róngò àp̀b̀è àbà ìnzǐ aráve dhòdhódhóngà nà kàzù ò, ndíní ì'í tí ìndrǔ-nyìkpó itdyu rádù atdí ófò tí.

⁸ Ní ndi dhu bhěyi tí, kǒkò nzínzikù ǒ rí'í nzéere ale náarí dhu ònzi ì kigò ǒ bhà nóongónà dhu ònzì dhu bhěyi tí: abádhí rìrèna nzéere dhu náarí abádhí àbhǔ rìti ngbǒya, 'àdù àmbe Kàgàwà bhà ádrùngbǎnga gàyà nónzì dǒ. Ndirò, abádhí arí dhu ùno nzéere nyú òrù-akpà ò aróko ádrùngbǎnga tó awáwù ǒ màlàyíká nǐ. ⁹ P̀b̀étù, yà Músà-abvò dǒ ì í 'àtò, 'àmbè 'àgò dǒ P̀fòmvo nà rò, Mùkǎlì, Kàgàwà bhà màlàyíká ǒ ádrùngbǎle, náamvù nzá ndòtdì anya kà-dǒ,

ndùnò dhu kà nǐ òná. Pbétù, kǎdù dhu òvò kà tò, ndàti: «Ádrùngbǎle Kàgàwà àkǎ ndàbhũ nyi nyabà àpbè.» ¹⁰ Pbétù, kǒkò ì nzéere ale náarí dhu ùnò inzà ì ùni dhu nǐ màtí. Ndirò ìzǎ, yà ìmbǎ arí'ì inga t'únita nà, ní bhà irèta tó ófò ǒ abádhí ùni dhu náarádù abádhí àbhũ rùwí ùwí tí. ¹¹ Ní, abádhí rǐ'ì àpbè ǒ! Abádhí ótsù Kàyinà náatsù òná otu ǒ. Abádhí ùnò tìtò Bàlamà bhěyi fùrangà-okú dò rò. Ndirò, abádhí ùvè, Kòrà bhěyi ì ívǎ dhu dhu-okú dò rò. ¹² Ndirò, abádhí mànà nyǐ nyóko, nyǎmbe dhu ònyà dǒ atdíkpá atdí odhi bhěyi dhu náarádù nyǐ ìtí ìtí tí. Obhó tí, abádhí arí dhu ònyũ 'ùlè nǐ abhò nyú ìnzǐ nyǐya rǐwũ rórò, 'àdù àmbe ì kèlě nírè dǒ ìtírò. Abádhí úli ì awe rǐrà nà àpbù, yà ìnzǐ rí igye àbhũ rìkǒ bhěyi. Ndirò abádhí úli ì átò yà ìnzǐ arádù itsu-kpǒ ì'ò, yà ì àkǎnà 'ò'ò òná kàsùmì ǒ itsu bhěyi. Tdítdǒ, abádhí úli ì yà ivéna ka kangbè, ràdù òtdyù dòtsí itsu bhěyi. ¹³ Abádhí úli ì ádrùngbǎ rèrù dǒ rí 'ùpbi obi nyú nà mùkurà bhěyi, ale-nyǐ rǐwũ nǐ fǐyó mùtso ràdù 'ùli yà idha rǐdzìlǐna idha-gì dò mùselele bhěyi. Abádhí úli ì átò, yà dhòdhódhóngà nà ì óngo òko òná atdí dǒ útí ìnò-íyà tó ngari Kàgàwà ópì fǐyò akye rúbhi alali bhěyi.

¹⁴ Ènokà náavò dhu angyangyi abádhí-okú dò rò. Ndi Ènokà ní'ì àrùbhù rí rùgànda ìsè Àdamù rǒ rò ndì nòpè rùgànda ǒ atdí ale. Ní kǎti: «Kànǐ Ádrùngbǎle Kàgàwà rǐrà pbìndà pbǎfe lufù-tsù ìlǐlǎ màlàyíkà nà. ¹⁵ Kà rǐrà ndínì ndì ndunò tí yà adzi ǒ kóró ale-ànyǎ. Kà rǐ yà nzéere dhu ònzǐ arí kóró ale-ànyǎ ìtdì, rónà abádhí anzǐ kóró nzéere

dhu-okú dò rò. Kà rĩ i nzérenгатáλε-ànyă nítdì yà abádhí unction ndì nĩ ododu unction-abábá-okú dò rò.» ¹⁶ ¶ ale-idhè náarí nż ndikă akekpa mătí, 'àdù àmbe ònu dŏ kóró kàsùmì ǒ. Ndirò abádhí arúbhi yà afiya nyú nózè itírò dhu bhèyi, 'àdù àmbe idzítá tó unction-abábá òtè dŏ. Ndirò, abádhí arífùna ale ní dhu àbà ì àdù foyá ale.

*Yèsù ná'ù ale tò ka kí sedzà àbhǔ dhu
(Kòl 2.6-7; 2Tè 3.3-5; Yàk 5.19-20; 2Pé 3.17-18)*

¹⁷ Nyí'ína odhídù, yà atdídŏ ma mózè nyí rò, nyí nyàkă nyírè Ádrùngbăle Yèsù Krístò bhà uvitatále nũnno angyí fũkù unction. ¹⁸ Abádhí ati nyí nĩ: «Yà adzi ǒ dhu-tsù rĩ 'òdì òná kàsùmì rĩ 'indù rò, nyĩngò rí atdídhená ale ní'íya inè, 'àdù àmbe ùbhi dŏ afiya nyú ózè dhu bhèyi, itse nyú Kàgàwà ró rò.» ¹⁹ Abádhí ní ndi ìndrũ-ǒnga àbhǔ arí rùndò ì ale. Abádhí arí yà adzi ǒ dhu kèlě nírè. Ndirò, Kàgàwà bhà Ɔlǎ-Alafí rĩ'ì mbă abádhí-nyutsi. ²⁰ Pbétù nyí odhídù, yà atdídŏ ma mózè nyí rò, nyí nyàkă nyŏsì nyí nzínzìkũ ǒ, wò nyí nyí'ì nà atdídŏ ìlă a'uta dŏ, nyădù nyĩtsò Kàgàwà bhà Ɔlǎ-Alafí bhà obi nĩ. ²¹ Dhu àkă nyŏkò Kàgàwà ózè nyí nĩ àzè ǒ, nyămbe àlě tó Ádrùngbăle Yèsù Krístò rĩbhona fũkù pbìndà idzìnga ǒ dhòdhódhónga tó ípìrǒnga nódo dŏ.

²² Ndirò, nyí nyàkă nyŏnzì kŏkò afiya arúguru Yèsù ì á'ù dhu dŏ atdídhená ale-izù. ²³ Nyí nyàkă nyĩgũ ngũkpà ale, nyũdhă kàzũ ò rò. Nyí nyàkă nyŏnzì idzìnga ngũkpà ale tò odo ònzi nyí nyí rórò, nyădù abádhí rŏnzina nzére dhu ábhũ ròtì mberù mà nódhò.

Kàgàwà bhà ádrùngbǎnga ilè ka kí dhu

²⁴ Kàgàwà ní nyǒdò rádù ìnzǐ nyǎwà nyǐ nzéřęga ò, ndàdù nyǎbhę nyǐkò ìmbǎ nzéřę dhú na nyukutsì, ndirò ábhǒ dhèdhe nyé nà pbìndà ádrùngbǎnga tó awáwù-ònzǐ ale. ²⁵ Ndi Kàgàwà, yà atdíró tí arí'í àlě tó Ɔgùba tí, Yěsù Krístò, àlě tó Ádrùngbǎle-otù ǒ ale, náká ifuta nà, ádrùngbǎnga nà, ɔbi nà, ndirò dhu ỳyǎ ka kí ìndrǔ tò nǐ ɔbi nà, ròpè ndì mǎhàngú ò rò, rìrà àhę kòmbí nga ò mǎtí, ndirò dhòdhódhóngá nà! Àmìnà.

Ungbòta-Ɔwátá Tó Bhǔkù

Ndrǔna: Ungbòta-Ɔwátá Tó Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngit)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 13 Jul 2024 from source files
dated 29 Jan 2022

abb6c630-aaf1-5647-8172-605215e8fe12